

Վարչական տույժ նշանակելու մասին

«19» ապրիլի 2022թ

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետի ԺԹՊ Արտաշես Ղամբարյանս, քննելով «ՍՊԱՐՏ» ՍՊԸ-ի աշխատակից Սամվել Եղիշեի Կասյանի (նույն.քարտը՝ 009409533, ք.Երևան, Ռուբինյանց 23/1, բն. 48) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

«Սանի Օսիայան» ՍՊԸ-ին պատկանող բեռի համար ներկայացվել է թիվ 05100040/170720/0001821 ապրանքների հայտարարագիրն, որով հայտարարագրվել «ապակե մանրաթելեր 50 մմ-ից ոչ ավելի, «ԱՊԱԿԵ ԲԱՄԲԱԿ ԱԼՅՈՒՄԻՆԵ ԹԻԹԵՂԻՑ ՀԻՄՔՈՎ», որը դասակարգվել է 70191100000 ԵԱՏՄ ԱՏԳ ԱԱ ծածկագրով, սակայն պետք է դասակարգվեր 70191910090 ԵԱՏՄ ԱՏԳ ԱԱ ծածկագրով: Վերոնշյալ ոչ ճշգրիտ տեղեկությունը ներկայացնելու արդյունքում մաքսային վճարների գծով առաջացել է պակաս վճարված պարտավորություն՝ 25234 ՀՀ դրամ:

Նշված փաստի առթիվ ՀՀ ՊԵԿ ՀՄՎ ՄԳ բաժնի պետի Ժ/պ-ի կողմից 23.02.2021 թվականին հարուցվել է մաքսային կանոնների խախտման վերաբերյալ վարույթ՝ ՀՀ մաքսային օրենսգրքի 203-րդ հոդվածի հատկանիշներով, այն է՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվամբ հայտարարագրելը կամ **հայտարարագրման ժամանակ ոչ ճշգրիտ** տեղեկություններ նշելը:

Սամվել Եղիշեի Կասյանը փոստով գործի քննության վայրի և ժամի մասին Երևան, Ռուբինյանց 23/1, բն. 48 և Արցախի Հանրապետություն, ք.Մարտունի, Ն.Ստեփանյան փողոց, տուն 35 հասցեներին ծանուցագրեր են ուղարկվել, սակայն Հայփոստի կողմից դրանք հետ է վերադարձվել «չպահանջված» և «տեղափոխված» նշագրումներով:

Վարչական վարույթի շրջանակներում հարցումներ են կատարվել ՀՀ կադաստրի կոմիտե՝ նպատակ ունենալով տեղեկատվություն ստանալ Սամվել Եղիշեի Կասյանի անվամբ գրանցված գույքի վերաբերյալ, ինչպես նաև Ոստիկանության անձնագրային և վիզաների վարչություն՝ նպատակ ունենալով տեղեկատվություն ստանալ Սամվել Եղիշեի Կասյանի հաշվառման վայրի վերաբերյալ:

ՀՀ կադաստրի կոմիտեից տեղեկատվություն է տրամադրվել առ այն, որ Սամվել Եղիշեի Կասյանի անվամբ անշարժ գույքի նկատմամբ իրավունքի պետական գրանցում ՀՀ տարածքում կատարված չէ:

Ոստիկանության անձնագրային և վիզաների վարչությունից տեղեկատվություն է տրամադրվել առ այն, որ Սամվել Եղիշեի Կասյանը հաշվառված է ք.Երևան, Քանաքեռ-Զեյթուն, Ռուբինյանց փողոց, շենք 23/1, բն. 48 հասցեում:

Քաղաքացի Սամվել Եղիշեի Կասյանի սահմանահատումների պատմությունը ստանալու նպատակով՝ հարցում է կատարվել ՀՀ ՊԵԿ Ներքին անվտանգության վարչությանը:

Ի պատասխան հարցման՝ ՀՀ ՊԵԿ Ներքին անվտանգության վարչությունը տրամադրել է սահմանահատումների վերաբերյալ տեղեկատվություն, համաձայն որի քաղաքացի Սամվել Եղիշեի Կասյանը 23.01.2021 թվականին մուտք է գործել ՀՀ:

ԵՏՄ մաքսային օրենսգրքի 20-րդ հոդվածի համաձայն.

Հայտարարատուն և այլ անձինք ապրանքների դասակարգումն իրականացնում են Արտաքին տնտեսական գործունեության ապրանքային անվանացանկին համապատասխան՝ մաքսային հայտարարագրման ժամանակ և այն դեպքերում, երբ մաքսային կարգավորման ոլորտի միջազգային պայմանագրերի ու ակտերի համաձայն, մաքսային մարմին են հայտնում ապրանքի ծածկագիրը՝ Արտաքին տնտեսական գործունեության ապրանքային անվանացանկին համապատասխան:

ԱՏԳ ԱԱ մեկնաբանման 3-րդ կանոնի համաձայն, եթե ապրանքը հնարավոր է դասակարգել երկու կամ ավելի ապրանքային դիրքերում, դասակարգում կատարելիս նախապատվությունը տրվում է ավելի ընդհանուր նկարագրություն ունեցող ապրանքային դիրքի համեմատությամբ ավելի հստակ ապրանքի նկարագրություն ունեցող ապրանքային դիրքին:

ԵՏՄ մաքսային օրենսգրքի 106-րդ հոդվածի 1-ին մասի 4-րդ կետի 2-րդ պարբերության համաձայն ապրանքների հայտարարագիրը պետք է պարունակի ապրանքների ծածկագիրը՝ Արտաքին տնտեսական գործունեության ապրանքային անվանացանկին համապատասխան:

Օրենսգրքի 405-րդ հոդվածի 1-ին մասի 6-րդ կետի համաձայն՝ մաքսային ներկայացուցիչը պարտավոր է կատարել Եվրասիական Տնտեսական Միության Մաքսային օրենսգրքով սահմանված և /կամ/ անդամ պետությունների՝ մաքսային կարգավորման վերաբերյալ օրենսդրությամբ սահմանվող պարտականությունները:

ՀՀ մաքսային օրենսգրքի 189-րդ հոդվածի համաձայն՝ մաքսային խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

Վարչական վարույթի նյութերի ուսումնասիրությունից պարզվում է, որ թիվ 05100040/170720/0001821 ապրանքների հայտարարագրում ապրանքը դասակարգվել է ոչ ճշգրիտ ծածկագրով, որն էլ հանգեցրել է ՀՀ մաքսային օրենսգրքի 203-րդ հոդվածի 2-րդ

մասով սահմանված մաքսային կանոնների խախտման: Ընդ որում, կատարվածի արդյունքում առաջացել է մաքսային վճարների պակաս հաշվարկում 25234 ՀՀ դրամ:

Ելնելով վերոգրյալից և ղեկավարվելով ՀՀ մաքսային օրենսգրքի 203-րդ, 206-րդ, 219-րդ, 221-րդ հոդվածի 1-ին կետի ա) ենթակետով և ՀՀ վարչական իրավախախտումների վերաբերյալ օրենսգրքի 32-րդ ու 234-րդ հոդվածներով,

Ո Ր Ո Շ Ե Ց Ի

1. Սամվել Եղիշեի Կասյանին ՀՀ մաքսային օրենսգրքի 203-րդ հոդվածի 2-րդ մասով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **12620 ՀՀ դրամ /25234:2/:**

2. Որոշման մասին հայտնել Սամվել Եղիշեի Կասյանին:

3. ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ մաքսային օրենսգրքի 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) որոշումը կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված տուգանքի վճարման հաշվեհամարն է. **900005024055՝ 12620 ՀՀ դրամ, նշել 30 կողք:**

ՀԱՐԱՎԱՅԻՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏԻ ԺԹՊ

ԱՐՏԱՇԵՍ ՂԱՄԲԱՐՅԱՆ